

Caencingz Loh Fuzbinz

□Mungz Cwngzgen/蒙成建

Yaek daengz geizbyai gauj, ndaw sim Loz Veifangh cungj geiq dwk gienh saeh ndeu, de dwk boux fuyaucangj Dafungh Cin Cunghsinh Yozyau. Gijmaz saeh? Haenx couh dwg gij cingzgvang hagsib sam boux lwgnyez laeng fuzbinz duisieng Luz Hungzguj. Ndigah geij aen singgeiz roek neix, gienh saeh daih’ it Lozfuyaucangj couh dwg daengz ranz Luz Hungzguj, hawj geij boux lwgnyez fujdauj cozyez.

Loz fuyaucangj baez yamq haeuj ranz Luz Hungzguj, daengx ranz couh sikhaek angqyangz hwnjdaej. Ceiq angq dwg sam boux lwgnyez de, doiq lwgsai songseng haenx doeg roek nienzgaep, dah lwgmbwk doeg it nienzgaep. Sam lwgnyez angq dwk couh lumj duz roeg iq heuh cici caca dwk comz youq henz Loz fuyaucangj, gwn mak diemzsis, lij gwn di saejdaeuz dem, Loz fuyaucangj dawz gij doxgaiq baij okdaeuj: Doxgaiq guhcaemz、daehsaw moq、bitmaeg daengj, cungj dwg Loz fuyaucangj daiq daej. Gyoengq lwgnyez raen le angq raixcaix. Yienzhaeuh Loz fuyaucangj couh daiq gyoengqde fuzsiz gunghgo. Loz fuyaucangj baez daej daengz, gyoengq lwgnyez couh lumj coux daej cin raeuj va hai. Cingq dwg seiz–haenx, mehyah Luz Hungzguj ninz youq congzbingh loh ok gij naj riunyumj, cungj siengj bingh ndei vaiq di caeuq gyoengqde caemh guh’angq.

Hoeng, Luz Hungzguj yawj youq ndaw da, raeuj youq ndaw sim. Gij saedceij Loz fuyaucangj daengz ranz de, Luz Hungzguj okbae guhhong ceiq cuengqsim ceiq miz rengz.

Daj Loz Veifangh fuyaucangj dang boux bangfuz ganbu ranz Luz Hungzguj daej, mboujdanh daiq daej gij fuzbinz cwngcwz cwngfuj, hix daiq daej haujlai raeujrub, dan suenq hawj lwgnyez fujdauj gunghgo, Loz Veifangh hix geiq mbouj ndaej geijlai baez lo, cungj dwg faen cienz mbouj aeu. Luz Hungzguj dingq vunz gangj gvaq, danghnaeuz sam boux lwgnyez neix moix cou soengq bae hawj vunz son, ngaiz aeu 600 maenz. 600 maenz? Aen soq neix caen dwg hawj Luz Hungzguj doeksaet dahraix! Aenvih aeu ciuqgoq mehyah baenz bingz de, Luz Hungzguj nanz mbouj nanz cij ndaej okbae dajgoeng ra di ngaenz, mizseiz baenz ndwen hix ra mbouj ndaej 600 maenz. Ndigah hawj lwgnyez boujgoq, lienz siengj hix mbouj gamj siengj. Hoeng Loz fuyaucang mbouj gangj ngaenz, cixdwg moix baez daengz ranz senhconz fuzbinz cwngcwz, cungj dwg riuj doxgaiq gwn ndei、daehsaw moq、doxgaiq guhcaemz daengj, lij seiz mbouj seiz soengq di ngaenz hawj Luz Hungzguj yw bingh mehyah de, mizseiz mehyah Luz Hungzguj youq yihyen, Loz fuyaucangj daj ranz cawj dang daej hawj de bouj ndangdae.

Neix baebae dauqdauq, ranzvunz Luz Hungzguj hix dangq Loz fuyaucangj guh ranzvunz swheij, lumj de dwg bangfuz ganbu lo. Hoeng ndaw mbanj vunz cungj laihnaeuz Loz fuyaucangj dwg caencik Luz Hungzguj.

Dahraix, fuzbinz ganbu Loz Veifangh daej daengz, hawj Luz Hungzguj caeuq mehyah de byaijok gungzhoj hix mbouj lau bingh, miz saenqsim caeuq ligliengh haekfug de. Bonjlaiz Luz Hungzguj aen ranz gig vuenyungz, lwgsai lwgmbwk caez–cienz, song goeng’yah youh gaenx guhhong, saedseij gvaq ndaej gig ndei. Hoeng bungz daengz doek fwn ranz youh roh, daj mehyah de baenz bingh feiqlauz le, Luz Hungzguj mbouj ndaej okbae guhhong, mehyah de youh aeu gwn yw, Luz Hungzguj nanz mbouj nanz cix aeu bae yihyen ciuqgoq, caiqgya sam bouxlwgnyez doegsaw、gwndaenj cungj aeu yungh ngaenz, yienghneix aen ranz Luz Hungzguj couh sawj ngaenz doenghbaez rom haenx caez lo, aen ranz neix couh bienq gungz bienq seuqsat lo. Aen bingh fouz cingz vunz miz cingz, diuz loh cwngfuj fuzbinz ronghsag, cwngfuj ok ngaenz bangfuz de hwnq aen ranz laeuz ndeu, diuzgen ranzyouq caeuq nungzyez swnghcanj cungj ndaej bangcoh caeuq gaijndei.

Hoeng Luz Hungzguj aenvih aeu ciuqgoq yah de, youh mbouj miz onjdingh souhaeuj, swnghhoz diuzgen

haemq nanz di, Loz fuyaucangj guh cwngcwzsing cijdauj bangfuz, lij swheij ok ngaenz、ok doxgaiq、ok rengz bae bang, daegbied dwg bangcoh lwgnyez de fuzsiz gunghgo, hawj Luz Hungzguj roxnyinh gij cwngfuj cwngcwz aen seizdaih moq neix ndei raixcaix, vunz bang vunz raen caencingz, baenz bingh cungj mbouj lau, seiqgyaiq gizgiz miz caencingz.

Loz Veifangh fuyaucangj hix cungj nai Luz Hungzguj song goeng’yah naeuz: “Byawz rox ciuh vunz byaij loh cungj mbouj daemj ne? Cwngfuj bang sou gvaq nanzgvn, raeuz dwg caemh yangh ranz vunz ndeu, ndaej bang couh bang, daihgya ndei cijdwg caen ndei. Daengzcog ndangdae dahsauj ndei hwnjdaej, aen ranz couh miz muengh lo.”

Luz Hungzguj gig gamjdoengh, bungz vunz couh naeuz: “Cwngfuj cwngcwz ndei lai lo, bangfuz ganbu Loz Veifangh daiq ndei lo, gou aeu ganjvaiq ndei hwnjdaej, ciuqgoq ndei aen ranz gou, ceng’aue vaiq di duetgungz.” Mehyah de engqgya gikdoengh, haibak couh ciengq fwen hwnjdaej: “Docih lo, docih cwngfuj ndei cwngcwz, bangfuz ganbu caen–cingq ndei, bang aen ranz gou ndei hwnjdaej, ngoenzneix gou mbouj miz laeuj caz ndei, cij miz fwen ndei gingq vunzcaen ha gingq vunzcaen.

Song vunz sij ndei habdoengz, Vangz Gencingh daegbied giengzdih, hong sat cazniemh ciengzhoi mbouj habgek, bouxgai deng doiq ngaenzhoi caez caeuq gyaboix boiz ngaenzhong.

(Cibngeih)

Seiqcib ngoenz gvaqbae, canghfaex、canghnaez、cangh–raemxdienh、miedfeiz ancang daengj gak cungj hong hwnz ngoenz gyaban, guh ndei caez doiq ok dieghong, song doengh laeuz gvet hoi gaenq ndaej dingz ndeu. Song lauxdoengz baenzngoenz nyaengq dwk daiq vunzmbanj swheij guhhong, cijmiz gyanghaemh ndaej raennaj, Lij Danenz hwnj diegyouq seiq laeuz ra lauxdoengz, lauxdoengz cingq caeuq vunzmbanj gwn laeuj, de naeuz:

“Doengz ha, mwngz vihmaz mbouj aeu niswjfwnj Lungzingh, de yiem mwngz mbouj dwg beixnuengx bw.”

Vangz Gencingh gejnaeuz: “Haihong ngoenzgonq, daeggo gou hix ra gou aeu niswjfwnj, de baenz bi buet hong saeh, de geij bi gonq couh daengq gou bang de cawx di niswjfwnj, rwed ged gvaq raemx ha.”

Haetromh caet diemj cung, Cinz lauxbanj dwk denva hawj song lauxdoengz bae gunghsw hhaihoih, gak aen gunghcungj bouxdaiqdaeuz daej caez, genjcaz hongsat lijimiz gijmaz vwndiz aeu guh ndei.

Banringz song diemj cung, song lauxdoengz ma dieghong, Vangz Gencaiz heuh Vangz Gencingh hwnj cib laeuz bae, daihgya dinghdingh naengh dwk, bouboux naj saepsat. Vangz Gencingh doeksat, Vangz Gencaiz naeuz: “Haetneix guenjraemx

Lauxdoengz

□Moz Lijginz / 磨礼勤

roh mbouj haihong, ciengzhoi deng raemx ciemq, bouxguenjleix heuh song doengh daihlaeuz cienzbouh daengxhong.”

Vangz Gencingh doq dwk denva hawj Cinz lauxbanj, Cinz lauxbanj hozndat dangqmaz: “Sou mbouj miz liengzsim, cawx huq rwix daej dingjlawh, yaep ndeu gou caengh gvaqbae.”

Song doengh daihlaeuz guenjraemx roh caeuq gou gvethoi miz gijmaz gvanhaeh? Vangz Gencingh naemj mbouj doeng.

Cinz lauxbanj denva Vangz Gencingh gvaq cibroek doengh bae, hwnj cibsam laeuz, raen Cinz lauxbanj henz ndang ndwn boux vunz sangseuq ndeu, vix neix ceij haenx, bak damzbyoedbyoed, Vangz Gencingh byaij gvaqbae, yawj dwg Laujuj, de baenzlawz youq neix? De hix yawj

raen Vangz Gencingh, Lij Danenz ndwn youq henz mbouj oksing, Cinz lauxbanj cam: “Song lauxdoengz sou baenzlawz gej, ciengzhoi ngamq gvet mbouj daengz ndwen ndeu couh bok roengzdaeuj……” Lij Danenz yaek gangj mbouj gangj, Cinz lauxbanj yawj de lumj yawj vunz najseng nei, cienjnaj yawj Vangz Gencingh, Vangz Gencingh seiq lwgfwnz lumhlumh najbyak, lumj mbouj miz saek yiengh saeh, caiqlij mbouj miz gijmaz youqgaenj. Laujuj ngeizvaeq dwk yawj Vangz Gencingh, caem le geij faen cung, Cinz lauxbanj naeuz: “Bae, gvaq cibhaj doengh bae yawj.”

Laujuj mbouj oksing, byaij hwnj cibseiq laeuz, Cinz lauxbanj、Lij Danenz、Vangz Gencingh hix gaenraengz hwnjbae, de raen ndaw ranz ciengzhoi henz congheucung cungj bok okdaeuj, nyapnyuk dwk naeuz: “Sou yawj, fwn buet haeuj congheucung daej mienh ciengzhoi deng fwn buet bok okdaeuj, gij hoi neix yungh ndaej geijlai ndwen?”

(16)